

SOALAN NO: 42

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : YB TUAN LIM LIP ENG [SEGAMBUT]

TARIKH : 20 MEI 2015 (RABU)

SOALAN :

YB Tuan Lim Lip Eng [Segambut] minta **PERDANA MENTERI** menyatakan sama ada Kerajaan boleh memaparkan di laman web rasmi Dewan Rakyat senarai nama bagaimana Ahli-Ahli Parlimen mengundi dalam satu-satu usul atau rang undang-undang sebaik sahaja pengundian dijalankan bagi memastikan akauntabiliti para Ahli Parlimen kepada pengundi dan rakyat juga berhak mengetahui bagaimana wakil rakyat mereka mengundi.

JAWAPAN: YB DATO' SERI DR. SHAHIDAN BIN KASSIM
MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, prosedur pengundian Usul atau Rang Undang-Undang dilaksanakan melalui belahbahagian mengikut Peraturan 47 di bawah Peraturan-peraturan Majlis Mesyuarat Dewan Rakyat.

Keputusan pengundian belahbahagian ini kemudiannya dicatatkan dalam Undi-undi dan Perjalanan Mesyuarat (*Votes and Prosidings*) secara terperinci dengan menyatakan jumlah undi belahbahagian yang bersetuju dan tidak bersetuju. Undi-undi dan Perjalanan Mesyuarat ini adalah mencukupi untuk diedarkan kepada Ahli Yang Berhormat sahaja. Setakat ini, tiada keperluan untuk memaparkan undian tersebut di dalam portal Parlimen Malaysia.

Sekian. Terima kasih.